

Gaskesadth

Ibie tjoerh diëdtem biejedh sorkijasse gaskesadtedh. Aellieh jiehtieh "ringkh munnjien jis mij akt, manne daesnie dov gaavhtan". Dellie stoerre hille sorkije ij åajsoeh gaskesadtedh. Jiehtieh buerebh "manne dutnjien ringkem dæjstan, vaeltieh tellefovnmem jis sijhth." Jis sorkije ij vaestedh, maahtah ikth vielie ringkedh. Jih vihth ringkedh, gellien aejkien.

Årroeh vissjeles

Vuesehth datne guarakoeh fierhten sorkijen lea jijtse sårkoe- prosesse. Aellieh sårkoem "båarhte soelkehth", jih aellieh aajpehtsvotem vuesehth jis sorkije ij guhkiebasse bætieh. Ij leah sårkoen naan "bööremes åvtelen-daatoe", jih ij naan iemie jallh ov-iemie guhkies tije sorkedh. Naakenh daarpesjeh seamma histovrijen soptsestidh gellien aejkien, jih naakenidie maahta akte vihkeles bielie årrodh sårkoem guarkedh jih gietedidh.

Vuesehth datne desnie

Jeenjesh mijjeste billebe mubpiej jieleden sijse tjihtedidh, jih dellie illedahke maahta sjidtedh mijjeh ibie maam gænnah darjoeh. Dagke ussjedibie sorkije buerebh sæjhta raeffesne årrodh, jallh vuertebe gaskesem vaeltedh goske "vierremes lea nåhkeme". Tjoerebe tjielkelaakan vuesie-htidh mijjeh desnie, olles sorkije ålkolen jallh åajaldamme domth.

Tsööpkh sjeavodsvoetem

Jeenjesh tuhtjeh geerve gaskesem sorkijenie vaeltedh. Maam edtjeh jiehtedh? Enn jis eevre sjeavohth sjædta gosse ringkh jallh sorkije aalka tjeaerodh? Ij leah vihkielommes maam jeahtah, men doesth sjeavodsvoet- em tsööpkedh. Såemies aejkien te-ekstebievnesse lea buerebe goh ringkedh, daamtaj aelhkebe bievnese åadtjodh jih dam vaestiedidh.

Vaeltieh skraejriem

Gihtjeh mejtje edtjede aktem eevre biejjeladtje darjome- sem darjodh. Maahtah bööredidh bætiedh prihtjegem jovkedh, filmem vuartasjidh, jallh dåeriedidh ånnetji ålkone minnedh. Gellie sorkijeh liegkedimmien mietie sårkosne jih ohtje siejhme aarkebiejjien mietie haeliedieh. Mujhtieh dihte maam böörh dagke ij sijhth bætiedh jallh dåeriedidh, jih dam tjoerh jååhkesjidh. Vihkielommes datne gihtjeh – jih doesth ikth vielie gihtjedh.

Vedtieh sijjem

Maahta jeenjesh årrodh mah seamma almetjen bijjelen surkieh seamma tije. Fiereguhte almetje mij aktem lihkes almetjem dasseme, aktem sjiere ektiedimmien åtna disse mij lea sealadamme. Sårkoe lea joekehts almetjistie almetjasse. Tjoerebe baajedh årrodh sårkoem jijtjereeredh jijtjene mohtesigujmie jih domtesigujmie. Tjoerebe mujhtedh sorkijen domtesh dah mah leah faamosne, saht magkerh domtesh dah leah. Mijjen åssjaldahkh jih soptsesh leah hævvi aaj vihkeles – men eah vihkielommes.

Frykt ikke, for jeg er med deg, vær ikke redd, for jeg er din Gud! Jeg gjør deg sterk og hjelper deg og holder deg oppe med min rettferds høyre hånd

Jesaia 41, 10



Raerieh mejtie daennie tjaalegisnie gaavnh leah ajve naakenh dejstie dahkojste mejtie maahtah sorkijen åvteste darjodh. Aellieh vienhth dov onne viehkie ij gaagnine sjidth, dovne onne dahkoe maahta vihkeles årrodh. Jis vielie viehkiem sijhth jallh sijhth naakenigujmie soptsestidh, maahtah maaje åålmeagem vaaksjodh gusnie årroeh jallh kirken.no/chat. Maahtah aaj rohkelidh jallh tjoevkesem bålaltajehtedh sijjesne kirken.no/be.

Mij Voestes viehkie sårkosne?

Lyövlehke oktegh årrodh sårkosne. Dan åvteste gærhkoe åssjaldahkh jih tjielke raerieh tjöönghkeme mah maehetie mijjem viehkiehtidh stieresne årrodh mubpiealmetjidie sårkosne. Sårkoe baektjede, seamma tjiijen maahta sårkoem vielie gaarsjelidh gosse åådtje dam juekedh. Gærhkoen lea guhkies dååjrehtimmie sorkijh dåastoehtidh jih dåarjoehtidh. Daah raerieh earnadieh viehkine årrodh don voestes baelien gosse naakenh leah aktem dasseme maam gaarhta.

Gaajhkh sårkoeh leah sjïere. Ij naan bihkedassh gååvnesh mah iktesth leah reaktoe, ij leah naan vihties saetniesvoeth. Dagke daate aaj akte dejstie fåantojste man åvteste dan jeenjesh jueriedisnie sjidtieh gosse edtjeh mubpieh gaavnedidh sårkosne. Daej raeriegujmie Nöörjen gærhkoe gegkeste viehkine årrodh guktie jienebh ånnetji jearsoesåbpoe jih buerebe ryöjredamme domtoeh, olles naakene mijjen bijre tjoerh oktegh årrodh sov sårkosne.



NÖÖRJEN GÆRHKOE



NÖÖRJEN GÆRHKOE

Voestes viehkie sårkosne

Tjielke raerieh mah maehetie mijjem ånnetji viehkiehtidh stieresne årrodh almetjidie sårkosne